

Von den vier zejten des

1585. Jars / welche durch den natur-
lichen lauff der Sonnen vntersche-
den werden.

Vom Winter.

Der Winter fehet an im verſchinen 1584.
Jar / nach dem Alten Kalender den 11. tag des Chriſt-
monats / vnd nach dem Newen / den 21. Chriſtmonats /
beyde 7. minut. vor 11. vhren des Nachts / wann die Sonn
das erſt Punctum Dodecatemorij Capricorni eingehet. Von
diſem viertel iſt in gemain zu wiſſen / das wir mehr ein trucknen / als
ein feuchten Winter werden haben / von wegen der retrogradati-
on Martis, welche am 27. tag Decembris anſangt / vnd biß auff
den 15. Martij ſich erſtreckt.

Vom Früljng / oder Vorſommer.

Der holdſelige Früljng erlangt ſein Anfang / gleich wann tag
vnd Nacht gleich iſt / welches geſchehen wirdt diſes Jar /
nach dem Alten Kalender den 11. tag Martij / vnd nach
dem Newen den 21. tag Martij / vmb 4 Vhr des Morgens / wann
die Sonn das erſte punctum Dodecatemorij Arietis auff ein
newes eingehet. Diſe zeit wird in gemain vngestüm ſein von ſtarcken
Winden / Plazregen / Schloſſen / Donner vnd Pliß / So vil verder-
bens an Früchte vnd Gebäwen verurſachen werden / von wegen ein-
fallender \odot $\&$ \ominus vnd anderer mißlauffenden aspecten / ſo in die Frü-
lings Monaten / nemlich Merzen / Apriſſen vnd Mayen ſich zura-
gen.

Vom

Vom Sommer.

Des Sommers Anfang wirdt bey vns geschehen/ nach dem Alten Kalender den 11. tag Junij/ vnd nach dem Newen den 21. tag Junij gleich zu Mitternacht vmb 12. Uhr. Dise Sommerzeit wirdt den mehrer theil sich zu natürlicher wärme vnd truckens heyt schicken / aber gleichwol bißweylen schreckliche Ungewitter vnd schädliche Plakregen verursachen/ von wegen der ☐ h ☉. ☉ ☉ ♀. ☉ h ♀. so sich inn den Sommer Monaten zutragen. Sonderlich aber wirdt der Julius gefährlich sein vmb den 10. 16. vnd 22. Tag.

Von dem Herbst.

Des Herbsts anfang/wann zum andern mal Tag vnd nacht gleich sein / geschicht dises Jar nach dem Alten Kalender den 13. tag Septembris / vnd nach dem Newen den 23. tag Septembris/ vmb 10. Uhr/ vor Mittag. Dise Herbstzeit wirdt mit kulem Regen vnd Schlossen/ vnd starcken winden anfangen/ bald aber sich auff ein schön trucken wetter verendern / von wegen der ♀ h ☉. ☐ ♀ ♀. ♀ ♀ ♀. ♀ h ♀. ♀ ♀ ☉. vnd anderer einfallenden aspecten halben.

Von den Finsternussen dises Jars.

In disem 1585. Jar / werden wol zwo Finsternuß geschehen/ als nemlich die erst an der Sonnen / nach dem Alten Kalender am 19. tag Aprilis / vnd nach dem Newen am 29. tag Aprilis. Die ander an dem Mon/ nach dem Alten Kalender am 3. tag May / vnd nach dem Newen am 13. tag Maij. Es werden aber beide dise Finsternussen bey vns nicht können gesehen werden/ dieweyl diesel zu Abend vñ vmb den Nidergang der Sonnen

nen geschehen / ist also nicht von nöthen / was inn vnserm Climate
nicht geschicht / weiter zu beschreiben. Bil mehr aber ist bey disem
Jar zumercken / das die Finsternussen / so im vergangnen 1584.
Jar geschehen / in disem 1585. Jar ihre würckung erzalgen wer-
den / als nemlich die erste Finsternuß an der Sonnen / so im 12.
Hauß des Himmels geschehen / neben dem Capite Medulae, wirt ihr
würckung so im vorigen Jar angefangen / nun inn disem vollendes
außführen / vnd im Mato enden.

Die ander Finsternuß aber an dem Mon / so in Nona domo
geschehen / wirdt jr würckung erst inn disem Jar / nach dem Alten
Kalender am 24. Junij / vnd nach dem Neuen am 4. Julij anfan-
gen / vnd sich nach dem Alten Kalender am 11. tag Octobris / nach
dem Neuen aber den 21. Octobris dises Jars endlich außgessen.

Was aber die Finsternussen im 12 vnd 9 hauß des Himmels be-
deuten / dergleichen die zeit hers vil geschehen / hat die tägliche erfa-
rung mit sich bracht / vnd genüßsam bewisen / als allerley widerwer-
tigkeit / Feindschafften / Verrereybung / Elend / gefährliche raisen /
vnd mancherley anstöß allenthalben / wie dann nicht vergebens von
den Ecclipsibus im Latein gesagt worden :

Nulla est Ecclipsis sine magna mole laborum.

Es dröwen aber beide Finsternussen / fürnemlich den Ländern vñ
Stätten / so dem andern Quadrangel vnderworfen sein / als dem
D, M, Q, vnd ~~W~~, Item dem V vnd Z, quia ♀ Domina Ec-
clipsis versatur in uno themate in V, in altero in Z.

Vnder andern aber ist Polen vnder dem Stier / Bayern vnter
dem Scorpion / Italien vñ Böhmen vnder dem Löwen / Walachei
vnd rot Reussen vnter dem Wasserman / ganz Teutschland vnder
dem Wider / Spanien vnd Ungern vnter dem Stüh gelegen.

Der Allmächtig Barmherzig Gott / beschere vns ein glück-
seliges neues Jar / durch Jesum Christum
vnsern H E R R E N /
A M E N.